



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-257-2/22**
Datum: **13.06.2022. godine**

«Agencija za vodno područje rijeke Save» Sarajevo rješavajući po zahtjevu Investitora Hasandić (Avdo) Emira iz Visokog za donošenje Rješenja o vodnoj saglasnosti za objekat za preradu mesa zanatskog tipa u naselju Tramošnjik, grad Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj saglasnosti**

1. Investitoru Hasandić (Avdo) Emiru iz Visokog, daje se vodna saglasnost za ispuštanje tehnoloških otpadnih voda u prirodni recipijent sa lokacije sagrađenog objekta za preradu mesa zanatskog tipa u naselju Tramošnjik, na zemljištu označenom kao k.č. 863/1 K.O. Gračanica, grad Visoko, a na osnovu projektne dokumentacije:
 - Glavni projekat - vanjske hidroinstalacije – objekat za preradu mesa zanatskog tipa, urađen od «PERSPEKTIVA-inženjering» d.o.o. Visoko, šifra: 34.VS.PER.IV/22, april 2022. (revidovan od «ENCOS» d.o.o. Sarajevo, broj: 12-28-5/2022, april 2022.).

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Sve radove na izgradnji sistema za prikupljanje i tretman tehnoloških otpadnih voda te odvodnju prečišćenih otpadnih voda nastalih na lokalitetu objekta za preradu mesa zanatskog tipa u naselju Tramošnjik, grad Visoko izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Izvođenje radova vršiti na način utvrđen u opisu tehničkog rješenja i tehničkih uslova izvođenja radova iz projektne dokumentacije a u skladu sa uslovima iz ove vodne saglasnosti.
 - 3.3. Usvojenim sistemom prečišćavanja otpadnih voda mora se obezbijediti da prečišćene tehnološke otpadne vode, prije ispuštanja u recipijent, ostanu u maksimalno dopuštenim granicama definisanim u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Na odvodnom cjevovodu, neposredno iza mastolova, a prije konačnog ispusta u postojeći kanalizacioni sistem MZ Gračanica treba izvesti posebno reviziono okno koja će služiti kao okno za uzimanje uzoraka (monitoring okno).
 - 3.5. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.6. U toku izvođenja radova na izgradnji sistema za prikupljanje i tretman otpadnih voda predmetnog objekta, otpad se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.7. Predvidjeti da se sav nastali otpad prikuplja i zbrinjava izvan površina obuhvaćenim uticajem velikih voda, a u skladu sa važećim propisima o postupanju sa otpadom.
 - 3.8. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (pogoršanje kvaliteta vode i dr).

- 3.9. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 03/1-19-2-77/21 od 25.05.2022. izdatog od Službe za urbanizam, imovinsko-pravne, geodetske poslove i katastar nekretnina Grada Visoko.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
 5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.
 6. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19 i 41/20).
 7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
 8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeta izgradnja.
 9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor Hasandić (Avdo) Emir iz Visokog, svojim zahtjevom, zaprimljenim 27.05.2022., zatražilo je izdavanje vodne saglasnosti za ispuštanje tehnoloških otpadnih voda u prirodni recipijent sa lokacije sagrađenog objekta za preradu mesa zanatskog tipa u naselju Tramošnjik, na zemljištu označenom kao k.č. 863/1 K.O. Gračanica, grad Visoko, a u postupku pribavljanja odobrenja za građenje.

U provedenom postupku dostavljena je i pregledana sljedeća dokumentacija:

- Ovjerena kopija lične karte Investitora,
- Ovjerena kopija legitimacije Organizacije porodica šehida i poginulih boraca Bosne i Hercegovine,
- Kopija Rješenja o urbanističkoj saglasnosti broj: 03/1-19-2-77/21 od 25.05.2022. izdatog od Službe za urbanizam, imovinsko-pravne, geodetske poslove i katastar nekretnina Grada Visoko,
- Kopija Rješenja o prethodnoj vodnoj saglasnosti broj: UP-I/25-1-40-335-6/21 od 15.09.2021. izdatog od «Agencije za vodno područje rijeke Save» Sarajevo,
- Kopija Ugovora o pružanju komunalnih usluga (snabdijevanje vodom i sakupljanje i odvoz komunalnog otpada) broj: 3908-351 od 09.07.2021. zaključen sa JKP «VISOKO» d.o.o. Visoko,
- Kopija Saglasnosti za priključak na lokalnu kanalizacionu mrežu od 12.08.2021. izdate od Savjeta MZ Gračanica,
- Glavni projekat - vanjske hidroinstalacije – objekat za preradu mesa zanatskog tipa, urađen od «PERSPEKTIVA-inženjering» d.o.o. Visoko, šifra: 34.VS.PER.IV/22, april 2022. (na uvid i ovjeru),
- Konačni izvještaj o izvršenoj reviziji projektne dokumentacije, maj 2022., urađen od «ENCOS» d.o.o. Sarajevo (na uvid).

Nakon uvida u dostavljenu dokumentaciju konstatovano je sljedeće:

- Objekat za preradu mesa zanatskog tipa je izgrađen u naselju Tramošnjik, grad Visoko. Parcela na kojoj je izgrađen predmetni objekat se ne nalazi u vodnom dobru, poplavnom području vodotoka I kategorije, niti u području zaštitnih zona površinskih i podzemnih voda.
- Planirani kapacitet prerade mesa je 0,5 t/dan. Meso će se dopremati u svježem i smrznutom stanju. U objektu se neće vršiti klanje stoke.
- Tehnološke otpadne vode nastale u procesu prerade mesa, pranjem pribora i opreme, pranjem radnih površina i podova će se prikupljati zasebnim kanalizacionim sistemom te odvoditi na tretman u mastolov. Krajnji ispušni prečišćenih voda je, preko okna za monitoring, u mjesnu kanalizacionu mrežu.
- Snabdijevanje vodom se planira riješiti putem priključka na gradsku vodovodnu mrežu.

- Sanitarno-fekalne otpadne vode nastale u sanitarnom čvoru za uposlenike će se prikupljati zasebnim kanalizacionim sistemom sa ispustom u mjesnu kanalizacionu mrežu.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti izdala Službe za urbanizam, imovinsko-pravne, geodetske poslove i katastar nekretnina Grada Visoko.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa Rješenja o prethodnoj vodnoj saglasnosti broj: UP-I/25-1-40-335-6/21 od 15.09.2021., te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat - vanjske hidroinstalacije – objekat za preradu mesa zanatskog tipa, urađen od «PERSPEKTIVA-inženjering» d.o.o. Visoko, šifra: 34.VS.PER.IV/22, april 2022., data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.


Obrađivač akta:

Sanja Miličić, građ.ing.

Prilog:

- Ovjerena projektna dokumentacija: Glavni projekat - vanjske hidroinstalacije – objekat za preradu mesa zanatskog tipa, urađen od «PERSPEKTIVA-inženjering» d.o.o. Visoko, šifra: 34.VS.PER.IV/22, april 2022.
- Konačni izvještaj o izvršenoj reviziji projektne dokumentacije, maj 2022., urađen od «ENCOS» d.o.o. Sarajevo

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- Hasandić (Avdo) Emir
Tramošnjik br. 11, 71300 Visoko (prilog)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava